

Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Босна и Херцеговина
Федерација Босне и Херцеговине
КАНТОН САРАЈЕВО
Министарство саобраћаја
Дирекција за путеве

1954

1583

Bosnia and Herzegovina
Federation of Bosnia and Herzegovina
CANTON SARAJEVO
Ministry of Traffic
Road Directorate

Broj: 04-27-23146/19 MS
Sarajevo, 9.7.2019.

- SKUPŠTINA KANTONA SARAJEVO**
- **STRUČNA SLUŽBA VLADE KS**
- **MINISTARSTVO SAOBRAĆAJA KS**

Reisa Džemaludina Čauševića broj 1,
71.000 Sarajevo

PREDMET: ODGOVOR NA ZASTUPNIČKU INICIJATIVU

Poštovani,

Na desetoj radnoj sjednici Skupštine Kantona Sarajevo, održanoj dana 24.06.2019.g. u okviru tačke Dnevnog reda "Poslanička/zastupnička pitanja, inicijative i odgovori" zastupnik Biblija Kerla postavio je zastupničko pitanje: "...Postoji li kakva kaznena sankcija za izvođača radova na mostu u naselju Halilovići...", te je isto aktom broj: 01-05-23628-42/19 od 02.07.2019.g. proslijeđeno Direkciji za puteve Kantona Sarajevo na izjašnjenje. Pregledom priloga uz akt utvrđeno je da se pitanje odnosi na pokretanje procesa kaznene sankcije za izvođača radova na sanaciji mosta te se u okviru postavljenog pitanja izjašnjavamo.

U aktu inicijative naveli ste kritike probijanja roka za predmetne radove te ste pomenuli da izvođač radova u rjeku, kako ste naveli, Željeznicu baca šutu i komade betona te se primjedba odnosi na sankcije po ova dva pitanja za izvođača radova.

Ispod predmetnog mosta u naselju Halilovići protiče rijeka Miljacka koja meandrira u dijelu pored poslovnog objekta Fis, te se u svom daljem toku nastavlja ravnim vodotokom. Dakle nije u pitanju rijeka Željeznica kako ste naveli. Prilikom netačnih navoda u pojedinim medijima da izvođač radova baca građevinski otpad u rjeku Miljacku, investitor i izvođač su odmah reagovali te uputili predmetni medij na



web: <http://ms.ks.gov.ba>
e-mail: dp@dp.ks.gov.ba
Tel: +387(0)33 560-402, Fax: +387(0)33 560-426
Sarajevo, Hamida Dizdara br. 1



netačne navode koji se kose sa strukom. Sadržaj demanta dajemo u prilogu i uvidom u isti objašnjeno je razlog privremenog odlaganja betonske stabilizacije u korito rjeke koji će poslije služiti kao oslonac (upornjak) skele.

Također nakon pomenute objave vodni inspektor nadležne Kantonalne uprave za inspekcijske poslove izvršio je inspekcijski nadzor na gradilištu i potvrdio navode iz demantija koji dostavljamo u prilogu a o čemu je sačinjen i službeni zapisnik.

Kada je u pitanju rok izvođenja radova, moramo istaći da smo nakon početka radova, odnosno otkopavanja uzvodne strane mosta uvidjeli da su konstrukcija i ostali elementi mosta narpavljeni od glinenih materijala koji su se koristili u gradnji ovakve vrste objekata 10-tih godina prošlog stoljeća te je utvrđeno da isti nisu kompatibilni sa materijalima koji se trenutno koriste u građevinarstvu. Iz pomenutog razlog bilo je neophodno uraditi izmjenu projektnog rješenja to jeste izvršiti kompletan iskop luka mosta, izvršiti ispitivanje konstrukcije, ponuditi novo projektno rješenje, isprojektovati potporne zidove i zaštititi most te isplanirati gradnju pješačkih staza na vijencu mosta. Sve to rezultiralo je dosta složenijim zahvatom na mostu od onog prvobitnog te je iz svega toga razumno produženje roka za navedeni projekat. Također kašnjenje u početku radova bilo je rezultatom provedenog tendera na koji se niko nije prijavio, zatim problema sa visokim vodostajem rjeke Miljacke i nizom drugih, sada već prevaziđenih, problema.

Ukoliko smatrate da navedena objašnjenja nisu dovoljna stavljamo se na raspolaganje da zajedno sa saradnikom investitora na predmetnom projektu obidete lokaciju mosta te da Vam se na licu mjesta i detaljnije sa stručnog aspekta pojasni sam postupak zahvata na mostu.

Srdačno,



DIREKTOR

Selmir Kovač, dipl.ing.saob.

Dostaviti:

- Naslovu 3x, *Skupština KS*
- U predmet,
- a/a



web: <http://ms.ks.gov.ba>
e-mail: dp@dp.ks.gov.ba;
Tel:+387(0)33 560-402, Fax:+387(0)33 560-426
Sarajevo, Hamida Dizdara br. 1



DEMANT OBJAVLJENOG ČLANKA U VEZI SA SANACIJOM MOSTA U NASELJU HALILOVIĆI

19.06.2019

Direkcija za puteve Kantona Sarajevo, poboljšanjem vremenskih prilika intenzivirala je radove na sanaciji oštećenja mosta u Sarajevskom naselju Halilovići.

Ovaj projekat praćen je od strane javnosti preko pojedinih medija koji učestalo informišu javnost o napretku projekta i operativnim problemima sa kojima se susreću učesnici u građenju. Posljednja informacija koja je objavljena u negativnom tonu jeste da izvođač radova otpadni materijal ne odvozi na definisanu deponiju nego da isti baca u rijeku Miljacku što nije tačno.

Ovim putem obavještavamo javnost da je proces iskorištavanja betonske stabilizacije koja se privremeno odlaže kod središnjeg stuba prilikom izvođenja radova na sanacijama, rekonstrukcijama mostova i objekata uobičajan. Ovaj materijal se u narednim fazama koristi kao oslonac za skelu koja će služiti za sanaciju vijenca mosta te dogradnju pješačke staze.

Nakon završetka radova predviđeno je i produbljivanje i čišćenje korita rijeke ispod samog mosta kada će se i ovaj privremeno odloženi materijal ukloniti.

Ostali materijali koji se nemogu koristiti za kasnije faze projekta odvoze se na propisna odlagališta građevinskog otpada (deponije).

© Ministarstvo saobraćaja Kantona Sarajevo 2009, 2015. Izrada: Zavod za informatiku i statistiku KS
(<http://zis.ks.gov.ba>)

Početna (/pocetna) | RSS aktivnosti (/rss/aktuelno/aktivnosti) | RSS javne rasprave (/rss/aktuelno/javne_rasprave) | RSS konkursi (/rss/aktuelno/konkursi) | RSS obavještenja (/rss/aktuelno/obavjestenja) | Struktura stranice (/sitemap) | Kontakti (/kontakti)

